

四庫全書

史部

欽定四庫全書

史部

釋史卷二十四之五
六

詳校官檢討臣羅國俊

編修臣裝謙覆勘

覆校官博士臣劉光第

校對官中書臣施光輅

謄錄監生臣馮萬程

欽定四庫全書

釋史卷二十四之五

靈璧縣知縣馬驥撰

周禮之制五

特牲饋食禮

諸侯之士祭其祖禰之禮

儀禮特牲饋食之禮不諏日及筮日主人冠端玄卽位于門外西面子姓兄弟如主人之服立于主人之南西面北上有司羣執事如兄弟服東面北上席于門中闈西闈外筮人取筮于西塾執之東面受命于主人宰自

主人之左贊命命曰孝孫某筮來日某諏此某事適其
皇祖某子尚饗筮者許諾還即席西面坐卦者在左卒
筮寫卦筮者執以示主人主人受視反之筮者還東面
占卒告于主人占曰吉若不吉則筮遠日如初儀宗人
告事畢右筮前期三日之朝筮尸如求日之儀命筮
曰孝孫某諏此某事適其皇祖某子筮某之某為尸尚
饗乃宿尸主人立于尸外門外子姓兄弟立于主人之
後北面東上尸如主人服出門左西面主人辟皆東面

北上主人再拜尸答拜宗人擯辭如初卒曰筮子為某

尸占曰吉敢宿祝許諾致命尸許諾主人再拜稽首尸

入主人退

右筮尸宿尸禮記禮曰君子抱孫不抱子此言孫可以為王父尸子不可以為父尸為

君尸者大夫士見之則下之君知所以為尸者則自下之尸必式乘必以几○曲禮父為士子為天子諸侯則祭以天子諸侯其尸服以士服父為天子諸侯子為士祭以士其尸服以士服○喪服小記

宿賓

賓如主人服出門左西面再拜主人東面答再拜宗人

擯曰某薦歲事吾子將泣之敢宿賓曰某敢不敬從主

人再拜賓答拜主人退賓拜送

右宿賓

厥明夕陳鼎于

門外北面北上有甬楹在其南南順實獸于其上東首
牲在其西北首東足設洗于阼階東南壺禁在東序豆
籩銅在東房南上几席兩敦在西堂主人及子姓兄弟
即位于門東如初賓及衆賓即位于門西東面北上宗
人祝立于賓西北東面南上主人再拜賓答再拜三拜
衆賓衆賓答再拜主人揖入兄弟從賓及衆賓從即位
于堂下如外位宗人升自西階視壺濯及豆籩反降東
北面告濯具賓出主人出皆復外位宗人視牲若充雍

正作承宗人舉獸尾告備舉鼎鬲告潔請期曰羹飴告事畢

賓出主人拜送

記設洗南北以堂深東西當東滌水在洗東籬在洗西南順實二爵二觚四解

一角一散壺於禁饌于東序南順覆兩壺焉蓋在南明日卒奠冪用綌即位而徹之加勺右視濯視牲

夙興主人服如初立于門外東房南面視側殺主婦視

饔饗于西堂下亨于門外東方西面北上羹飴實鼎陳

于門外如初尊于戶東玄酒在西實豆籩飗陳于房中

如初執事之俎陳于階閒二列北上盛兩敦陳于西堂

藉用萑几席陳于西堂如初尸盥匱水實于槃中篋巾

在門內之右祝筵几于室中東面主婦纚笄宵衣立于

房中東面主人及賓兄弟羣執事即位于門外如初宗

人告有司具主人拜賓如初揖入即位如初佐食北面

立于中庭

記特牲饋食其服皆朝服玄冠緇帶緇韠唯尸祝佐食玄端玄裳黃裳雜裳可也皆爵韠

籩中以綌也纁裹棗栗擇釧芼用苦若薇皆有滑夏葵冬苴牲饗在廟門外東南魚腊饗在其南皆西面

饗饗在西壁所俎心古皆去本末午割之實于牲鼎載心立古縮俎尸俎右肩臂臑肫胙正脊二骨橫脊

長骨二骨短骨膚三離肺一剝肺三魚十有五腊如牲骨祝俎脾胫脊二骨膚二骨膚一離肺一俎俎臂正脊

二骨橫脊長骨二骨短骨膚一離肺一主婦俎般折其餘如昨俎佐食俎般折脊骨膚一離肺一賓酪長兄弟

及宗人折其餘如佐食俎衆賓及衆兄弟內賓宗婦若有公有司私臣皆殺胥膚一離肺一 佐食當事則戶外南面無事則中庭北面右陳設即位 禮記大夫冕而祭於公弁而祭於已士弁而祭於公冠而祭于已士弁而親迎然則士弁而祭於已可也○雜記 主人及祝升祝先入主人從西

面于戶內主婦盥于房中薦兩豆葵菹蠋醢醢在北宗人遣佐食及執事盥出主人降及賓盥出主人在右及佐食舉牲鼎賓長在右及執事舉魚腊鼎除鬻宗人執畢先入當阼階南面鼎西面錯右人抽扃委于鼎北贊者錯俎加匕乃祀佐食升斝俎鬻之設于阼階西卒載

加匕于鼎主人升入復位俎入設于豆東魚次腊特于俎北主婦設兩敦黍稷于俎南西上及兩劔芼設于豆南南陳祝洗酌奠奠于劔南遂命佐食啓會佐食啓會

卻于敦南出立于西南面主人再拜稽首祝在左率祝

主人再拜稽首

記棘心匕刺

禮記

凡祝呼佐食許諾右陰

三尺或曰五尺畢用桑長三尺刊其柄與末○雜記

祝迎尸于門外主人降立于

阼階東尸入門左北面盥宗人授巾尸至于階祝延尸

尸升入祝先主人從尸即席坐主人拜妥尸尸答拜執奠

祝饗主人拜如初

記沃尸盥者一人奉槃者東面執匱者西面淳沃執巾者在匱北宗人東

面取巾振之三南面授尸卒執巾者受尸入主人及賓皆辟位出亦如之右迎尸

祝命按祭

尸左執解右取菹楛于醢祭于豆閒佐食取黍稷肺祭

授尸尸祭之祭酒啐酒告旨主人拜尸奠解答拜祭劔

嘗之告旨主人拜尸答拜祝命爾敦佐食爾黍稷于席

上設大羹湑于醢北舉肺脊以授尸尸受振祭齊之左

執之乃食食舉主人羞所俎于腊北尸三飯告飽祝侑

主人拜佐食舉幹尸受振祭齊之佐食受加于所俎舉

獸幹魚一亦如之尸實舉于菹豆佐食羞庶羞四豆設于左南上有醢尸又三飯告飽祝侑之如初舉骼及獸魚如初尸又三飯告飽祝侑之如初舉肩及獸魚如初佐食盛所俎俎釋三个舉肺脊加于所俎反黍稷于其所右正祭九飯主人洗角升酌醕尸尸拜受主人拜送尸

祭酒啐酒賓長以肝從尸左執角右取肝換于鹽振祭齊之加于菹豆率角祝受尸角曰送爵皇尸率爵主人拜尸答拜祝酌授尸尸以醋主人主人拜受角尸拜送主

人退佐食授按祭主人坐左執角受祭祭之祭酒啐酒
進醜嘏佐食搏黍授祝祝授尸尸受以菹豆執以親嘏
主人主人左執角再拜稽首受復位詩懷之實于左袂
挂于季指牽角拜尸答拜主人出寫嗇于房祝以籩受
筵祝南面主人酌獻祝祝拜受角主人拜送設菹醢俎
祝左執角祭豆興取肺坐祭齊之興加于俎坐祭酒啐
酒以肝從祝左執角右取肝換于鹽振祭齊之加于俎
牽角拜主人答拜受角酌獻佐食佐食北面拜受角主

人拜送佐食坐祭率角拜主人答拜受角降反于篚升

入復位

右主人
初獻

主婦洗爵于房祝亞獻尸尸拜受主

婦北面拜送宗婦執兩籩戶外坐主婦受設于敦南祝

贊籩祭尸受祭之祭酒啐酒兄弟長以燔從尸受振祭

齊之反之羞燔者受加于所出尸率爵祝受爵命送如

初酢如主人儀主婦道房南面佐食按祭主婦左執爵

右撫祭祭酒啐酒入率爵如主人儀獻祝籩燔從如初

儀及佐食如初率以爵入于房

右主婦
亞獻

賓三獻如初

燔從如初爵止

右賓
三獻

席于戶內主婦洗爵酌致爵于

主人主人拜受爵主婦拜送爵宗婦贊豆如初主婦受
設兩豆兩籩俎入設主人左執爵祭薦宗人贊祭奠爵
興取肺坐絕祭齊之興加于俎坐挽手祭酒啐酒肝從
左執爵取肝煇于鹽坐振祭齊之宗人受加于俎燔亦
如之興席末坐卒爵拜主婦答拜受爵酌醋左執爵拜
主人答拜坐祭立飲卒爵拜主人答拜主婦出反于房
主人降洗酌致爵于主婦席于房中南面主婦拜受爵

主人西面答拜宗婦薦豆俎從獻皆如主人主人更爵酌醋卒爵降實爵于篚入復位三獻作止爵尸卒爵酢酌獻祝及佐食洗爵酌致于主人主婦燔從皆如初更爵酢于主人卒復位

右致爵

主人降阼階西面拜賓如

初洗賓辭洗卒洗揖讓升酌西階上獻賓賓北面拜受爵主人在右答拜薦脯醢設折俎賓左執爵祭豆奠爵興取肺坐絕祭齊之興加于俎坐扱手祭酒卒爵拜主人答拜受爵酌酢奠爵拜賓答拜主人坐祭卒爵拜賓

答拜揖執祭以降西面奠于其位位如初薦俎從設衆

賓升拜受爵坐祭立飲薦俎設于其位辯主人備答拜

馬降實爵于篚

右獻賓

尊兩壺于阼階東加勺南枋西

方亦如之主人洗解酌于西方之尊西階前北面酬賓

賓在左主人奠解拜賓答拜主人坐祭卒解拜賓答拜

主人洗解賓辭主人對卒洗酌西面賓北面拜主人奠

解于薦北賓坐取解還東面拜主人答拜賓奠解于薦

南揖復位

右酬賓

主人洗爵獻長兄弟于阼階上如賓

儀洗獻兄弟如衆賓儀洗獻內兄弟于房中如獻衆兄

弟之儀主人西面答拜更爵酢卒爵降實爵于篚入復

位

記賓與長兄弟之薦自東房其餘在東堂尊兩壺于房中西牖下南上內賓立于其北東面南上宗婦

北堂東面北上

公有司門西北面東上獻次衆賓私

臣門東北面西上獻次兄弟升受降飲右獻兄弟內兄

等 弟 長兄弟洗觶為加爵如初儀不及佐食洗致如初

無從衆賓長為加爵如初爵止右加爵 嗣舉奠盥入北

面再拜稽首尸執奠進受復位祭酒啐酒尸舉肝舉奠

左執觶再拜稽首進受肝復位坐食肝卒觶拜尸備答

拜焉舉奠洗酌入尸拜受舉奠答拜祭酒啐酒奠之舉

奠出復位

記嗣舉奠佐食設豆鹽右嗣子舉奠

兄弟弟子洗酌于東方之

尊阼階前北面舉觶于長兄弟如主人酬賓儀宗人告

祭胥乃羞

右弟子舉觶

賓坐取觶阼階前北面酬長兄弟

長兄弟在右賓奠觶拜長兄弟答拜賓立于觶酌于其

尊東面立長兄弟拜受觶賓北面答拜揖復位長兄弟

西階前北面衆賓長左受旅如初長兄弟卒觶酌于其

尊西面立受旅者拜受長兄弟北面答拜揖復位衆賓

及衆兄弟交錯以辯皆如初儀為加爵者作止爵如長兄弟之儀長兄弟酬賓如賓酬兄弟之儀以辯卒受者

實解于篚

記宗人獻與旅齒於衆賓佐食於旅齒於兄弟主婦及內賓宗婦亦旅西面右旅酬

賓弟子及兄弟弟子洗各酌于其尊中庭北面西上舉解於其長奠解拜長皆答拜舉解者洗各酌于其奠復初位長皆拜舉解者皆奠解于薦右長皆執以興舉解者皆復位答拜長皆奠解于其所皆揖其弟子弟子皆復其位爵皆無算

右無算爵

利洗散獻于尸酢及祝如初

儀降實散于篚主人出立于戶外西南祝東面告利成

尸諛祝前主人降祝反及主人入復位命佐食徹尸俎

俎出于廟門徹庶羞設於西序下

記尸率食而祭饔饗
雍饗賓從尸俎出廟

門乃反位
右尸出

筵對席佐食分簋釧宗人遣舉奠及長兄

弟盥立于西階下東面北上祝命嘗食養者舉奠許諾

升入東面長兄弟對之皆坐佐食授舉各一膚主人西

面再拜祝曰養有以也兩養奠舉于俎許諾皆答拜若

是者三皆取舉祭食祭舉乃食祭釧食舉率食主人降

洗爵牢贊一爵主人升酌酌上饗上饗拜受爵主人答
拜酌下饗亦如之主人拜祝曰酌有與也如初儀兩饗
執爵拜祭酒卒爵拜主人答拜兩饗皆降實爵于篚上
饗洗爵升酌酢主人主人拜受爵上饗即位坐答拜主
人坐祭卒爵拜上饗答拜受爵降實于篚主人出立于
戶內西面右祝命徹昨俎豆籩設于東序下祝執其
俎以出東面于戶西宗婦徹祝豆籩入于房徹主婦薦
俎佐食徹尸薦俎敦設于西北隅几在南非用筵納一

尊佐食闔牖戶降祝告利成降出主人降即位宗人告

事畢賓出主人送于門外再拜佐食徹阼俎堂下俎畢

出

右陽厭人祭曰致

禮記凡祭于公必自徹其俎。曲禮為

為

凡膳告於君子主人展之以授使者于阼階之南面再拜稽首送反命主人又再拜稽首其禮大牢則以牛左肩臂臠折九箇少牢則以羊左肩七箇植豕則以豕左肩五箇凡祭于室中堂上無跣燕則有之。少儀

少牢饋食禮

諸侯之卿大夫祭其祖禰之禮自有司徹以下少牢之下篇也

上大夫既祭儻尸于堂若下大夫祭畢禮尸于室中無別行儻尸事

儀禮少牢饋食之禮日用丁巳筮旬有一日筮於廟門

之外主人朝服西面于門東史朝服左執筮右抽上贛
兼與筮執之東面受命于主人主人曰孝孫某來日丁
亥用薦歲事于皇祖伯某以某妃配某氏尚饗史曰諾
西面于門西抽下贛左執筮右兼執贛以擊筮遂述命
曰假爾大筮有常孝孫某來日丁亥用薦歲事于皇祖
伯某以某妃配某氏尚饗乃釋贛立筮卦者在左坐卦
以木率筮乃書卦于木示主人乃退占吉則史贛筮史
兼執筮與卦以告于主人占曰從乃官戒宗人命滌宰

命為酒乃退若不吉則及遠日又筮日如初右筮日宿

前宿一日宿戒尸明日朝筮尸如筮日之儀命曰孝孫

某來日丁亥用薦歲事于皇祖伯某以某妃配某氏以

某之某為尸尚饗筮卦占如初吉則乃遂宿尸祝擯主

人再拜稽首祝告曰孝孫某來日丁亥用薦歲事于皇

祖伯某以某妃配某氏敢宿尸拜許諾主人又再拜稽

首主人退尸送揖不拜若不吉則遂改筮尸右筮尸宿尸

既宿尸反為期于廟門之外主人門東南面宗人朝服

北面曰請祭期主人曰比於子宗人曰旦明行事主人

曰諾乃退

右請祭期

明日主人朝服即位于廟門之外東

方南面宰宗人西面北上牲北首東上司馬刲羊司士

擊豕宗人告備乃退雍人概鼎七俎于雍饗雍饗在門

東南北上廩人概甑甗七與敦于廩饗廩饗在雍饗之

北司宮概豆籩勺爵觚解几洗篚于東堂下勺爵觚解

實于篚率概饌豆籩與篚于房中放于西方設洗于阼

階東南當東榮

右視濯

羹定雍人陳鼎五三鼎在羊鑊

之西二鼎在豕鑊之西司馬升羊右胖髀不升肩臂臑
膊骼正脊一脰脊一橫脊一短脅一正脅一代脅一皆
二骨以並腸三胃三舉肺一祭肺三實于一鼎司士升
豕右胖髀不升肩臂臑膊骼正脊一脰脊一橫脊一短
脅一正脊一代脅一皆二骨以並舉肺一祭肺三實于
一鼎雍人倫膚九實于一鼎司士又升魚腊魚十有五
而鼎腊一純而鼎腊用麋率脊皆設烏幕乃舉陳鼎于
廟門之外東方北面北上司宮尊兩甒于房戶之間同

椽皆有幕。甔有玄酒。司宮設罍水于洗。東有枓。設篚于洗西南肆。改饌豆籩于房中。南面如饋之設。實豆籩之實。小祝設槃匱與篔箚于西階東。

右賓鼎饌器

主人朝服

即位于阼階。東西面。司宮筵于奧。祝設几于筵上。右之。主人出迎。鼎除。冑士盥。舉鼎。主人先入。司宮取二勺于篚。洗之。兼執以升。乃啓二尊之蓋。罍奠于椽上。加二勺于二尊。覆之。南柄。鼎序入。雍正執一匕以從。雍府執四匕以從。司士合執二俎以從。司士贊者二人皆合執二

俎以相從入陳鼎于東方當序南于洗西皆西面北上
膚為下匕皆加于鼎東枋俎皆設于鼎西西肆所俎在
羊俎之北亦西肆宗人遣賓就主人皆盥于洗長祀佐
食上利升牢心舌載于所俎心皆安下切上午割勿沒
其載于所俎末在上舌皆切本末亦午割勿沒其載于
所橫之皆如初為之于爨也佐食遷所俎于阼階西西
縮乃反佐食二人上利升羊載右脾髀不升肩臂臄膊
骼正脊一脰脊一橫脊一短脅一正脅一代脅一皆二

骨以並腸三胃三長皆及俎拒舉肺一長終肺祭肺三
皆切肩臂臑膊髀在兩端脊脅肺肩在上下利升豕其
載如羊無腸胃體其載于俎皆進下司士三人升魚腊
膚魚用鮒十有五而俎縮載右首進腴腊一純而俎亦
進下肩在上膚九而俎亦橫載革順

右布設
載俎

率胥祝

盥于洗升自西階主人盥升自阼階祝先入南面主人
從戶內西面主婦被錫衣侈袂薦自東房韭菹醢醢坐
奠于筵前主婦贊者一人亦被錫衣侈袂執葵菹醢醢

以授主婦主婦不興遂受陪設于東韭菹在南葵菹在
北主婦興入于房佐食上利執羊俎下利執豕俎司士
三人執魚腊膚俎序升自西階相從入設俎羊在豆東
豕亞其北魚在羊東腊在豕東特膚當俎北端主婦自
東房執一金敦黍有蓋坐設于羊俎之南婦贊者執敦
稷以授主婦主婦興受坐設于魚俎南又興受贊者敦
黍坐設于稷南又興受贊者敦稷坐設于黍南敦皆南
首主婦興入于房祝酌奠遂命佐食啓會佐食啓會蓋

二以重設于敦南主人西面祝在左主人再拜稽首祝
祝曰孝孫某敢用柔毛剛鬣嘉薦普淖用薦歲事于皇

祖伯某以某妃配某氏尚饗主人又再拜稽首

右陰
厭

祝出迎尸於廟門之外主人降立于阼階東西面祝先
入門右尸入門左宗人奉槃東面于庭南一宗人奉匱
水西面于槃東一宗人奉簞巾南面于槃北乃沃尸盥
于槃上率盥坐奠簞取巾興振之三以授尸巾祝延尸
尸升自西階入祝從主人升自阼階祝先入主人從尸

升筵祝主人西面立于户内祝在左祝主人皆拜安尸

尸不言尸答拜遂坐

右尸

祝反南面尸取韭菹辯換

于三豆祭于豆間上佐食取黍稷于四敦下佐食取牢

一切肺于俎以授上佐食上佐食兼與黍以授尸尸同

受祭于豆祭上佐食舉尸牢肺正脊以授尸上佐食爾

上敦黍于筵上右之主人羞所俎升自阼階置于膚北

上佐食羞兩鉶取一羊鉶于房中坐設于韭菹之南下

佐食又取一豕鉶于房中以從上佐食受坐設于羊鉶

之南皆芼皆有柶尸扱以柶祭羊鉶遂以祭豕鉶嘗羊
鉶食舉三飯上佐食舉尸牢幹尸受振祭濟之佐食受
加于斝上佐食羞馘兩瓦豆有醢亦用瓦豆設于薦豆
之北尸又食食馘上佐食舉尸一魚尸受振祭濟之佐
食受加于斝橫之又食上佐食舉尸腊肩尸受振祭濟
之上佐食受加于斝又食上佐食舉尸牢骼如初又食
尸告飽祝西面于主人之南獨侑不拜侑曰皇尸未實
侑尸又食上佐食舉尸牢肩尸受振祭濟之佐食受加

于所尸不飯告飽祝西面于主人之南主人不言拜侑

尸又三飯上佐食尸牢肺正脊加于所

祭右正

主人降

洗爵升北面酌酒乃酌尸尸拜受主人拜送尸祭酒啐

酒賓長羞牢肝用俎縮執俎肝亦縮進末鹽在右尸左

執爵右兼取肝換于俎鹽振祭齊之加于菹豆率爵主

人拜祝受尸爵尸答拜祝酌受尸尸醋主人主人拜受

爵尸答拜主人西面奠爵又拜上佐食取四敦黍稷下

佐食取牢一切肺以授上佐食上佐食以綏祭主人左

執爵右受佐食坐祭之又祭酒不興遂啐酒祝與二佐
食皆出盥于洗入二佐食各取黍于一敦上佐食兼受
搏之以投尸尸執以命祝率命祝祝受以東北面于戶
西以嘏于主人曰皇尸命工祝承致多福無疆于女孝
孫來女孝孫使女受祿于天宜稼于田眉壽萬年勿替
引之主人坐奠爵興再拜稽首興受黍坐振祭齊之詩
懷之實于左袂挂于季指執爵以興坐卒爵執爵以興
坐奠爵拜尸答拜執爵以興出宰夫以籩受晉黍主人

嘗之納諸內主人獻祝設席南面祝拜于席上坐受主人西面答拜薦兩豆菹醢佐食設俎牢髀橫脊一短脅一腸一胃一膚三魚一橫之腊兩髀屬于尻祝取菹換于于醢祭于豆閒祝祭俎祭酒啐酒肝牢從祝取肝換于鹽振祭齊之不興加于俎卒爵興主人酌獻上佐食上佐食戶內牖東北面拜坐受爵主人西面答拜佐食祭酒卒爵拜坐授爵興俎設于兩階之間其俎折一膚主人又獻下佐食亦如之其胄亦設于階閒西上亦折一

膚右主人酌尸初獻

有司贊者取爵于篚以升投主婦贊者于

房中婦贊者受以授主婦主婦洗于房中出酌入戶西

面拜獻尸尸拜受主婦主人之北西面拜送爵尸祭酒

率爵主婦拜祝受尸爵尸答拜易爵洗酌投尸主婦拜

受爵尸答拜上佐食綏祭主婦西面于主人之北受祭

祭之其綏祭如主人之禮不啜率爵拜尸答拜主婦以

爵出贊者受易爵于篚以授主婦于房中主婦洗酌獻

祝祝拜坐受爵主婦答拜于主人之北率爵不興坐授

主婦主婦受酌獻上佐食于尸內佐食北面拜坐受爵

主婦西面答拜祭酒卒爵坐授主婦主婦獻下佐食亦

如之主婦受爵以入于房

右主婦
亞獻

賓長洗爵獻于尸

尸拜受爵賓尸西北面拜送爵尸祭酒卒爵賓拜祝受

尸爵尸答拜祝酌投尸賓拜受爵尸拜送爵賓坐奠爵

遂拜執爵以興坐祭遂飲卒爵執爵以興坐奠爵拜尸

答拜賓酌獻祝祝拜坐受爵賓北面答拜祝祭酒啐酒

奠爵于其筵前

右賓長
三獻

主人出立于阼階上西面祝

出立于西階上東面祝告曰利成祝入尸謾主人出立
于阼階東西面祝先尸從遂出于廟門祝反復位于室
中主人亦入于室復位祝命佐食徹所俎降設于堂下

阼階南

右尸出

司宮設對席乃四人暮上佐食盥升下

佐食對之賓長二人備司士進一敦黍于上佐食又進
一敦黍于下佐食皆右之于席上資黍于羊俎兩端兩
下是餽司士乃辯舉暮者皆祭黍祭舉主人西面三拜
暮者暮者奠舉于俎皆答拜皆反取舉司士進一劔于

上養又進一釗于次養又進二豆渚于兩下乃皆食食
舉卒食主人洗一爵升酌以授上養贊者洗三爵酌主
人受于戶內以授次養若是以辯皆不拜受爵主人西
面三拜養者養者奠爵皆答拜皆祭酒卒爵奠爵皆拜
主人答一拜養者三人興出上養止主人受上養爵酌
以醋于戶內西面坐奠爵拜上養答拜坐祭酒啤酒上
養親嘏曰主人受祭之福胡壽保建家室主人興坐奠
爵拜執爵以興坐卒爵拜上養答拜上養興出主人送

乃退

右暮

○有司徹埽堂司宮攝酒乃焚尸俎率焚乃

升羊豕魚三鼎無腊與膚乃設扃甗陳鼎于門外如初

右焚尸俎

乃議侑于賓以異姓宗人戒侑侑出俟于廟門

之外司宮筵于戶西南面又筵于西序東面尸與侑北面于廟門之外西上主人出迎尸宗人擯主人拜尸答拜主人又拜侑侑答拜主人揖先入門右尸入門左侑從亦左揖乃讓主人先升自阼階尸侑升自西階西楹西北面東上主人東楹東北面拜至尸答拜主人又拜

侑侑答拜

右迎尸侑

乃舉司馬舉羊鼎司士舉豕鼎舉魚

鼎以入陳鼎如初雍正執一匕以從雍府執二匕以從
司事合執二俎以從司士贊者亦合執二俎以從匕皆
加于鼎東枋二俎設于羊鼎西西縮二俎皆設于二鼎
西亦西縮雍人合執二俎陳于羊俎西並皆西縮覆二
疏匕于其上皆縮俎西枋右舉鼎設俎主人降受宰几尸
侑降主人辭尸對宰授几主人受二手橫執几揖尸主
人升尸侑升復位主人西面左手執几縮之以右袂推

卷之二十一
拂几三二手橫執几進授尸于筵前尸進二手受于手
閒主人退尸還几縮之右手執外廡北面奠于筵上左
之南縮不坐主人東楹東北面拜尸復位尸與侑皆北

面答拜

右授尸几

主人降洗尸侑降尸辭洗主人對牽洗

揖主人升尸侑升尸西楹西北面拜洗主人東楹東北
面奠爵答拜降盥尸侑降主人辭尸對牽盥主人揖升
尸侑升主人坐取爵酌獻尸尸北面拜受爵主人東楹
東北面拜送爵主婦自東房薦韭道醢坐奠于筵前道

在西方婦贊者執昌菹醢以授主婦主婦不興受陪設于南昌在東方興取籩于房饗黃坐設于豆西當外列饗在東方婦贊者執白黑以授主婦主婦不興受設于

初籩之南白在西方興退

右主人主婦獻于尸

乃升司馬牝羊

亦司馬載載右體肩臂肫骼臠正脊一脰脊一橫脊一

短脅一正脅一代脅一腸一胃一祭肺一載于一俎羊

肉湆臠折正脊一正脅一腸一胃一濟肺一載于南俎

司士牝豕亦司士載亦右體肩臂肫骼臠正脊一脰脊

一橫脊一短脅一正脅一代脅一膚五躋肺一載于一
俎侑俎羊左肩左肫正脊一脅一腸一胃一切肺一載
于一俎侑俎豕左肩折正脊一脅一膚三切肺一載于
一俎昨俎羊肺一祭肺一載于一俎羊肉湑臂一脊一
脅一腸一胃一躋肺一載于一俎豕胷臂一脊一脅一
膚三躋肺一載于一俎主婦俎羊左臠脊一脅一腸一
胃一膚一躋羊肺一載于一俎司士牝魚亦司士載尸
俎五魚橫載之侑主人皆一魚亦橫載之皆加臠祭于

其上

右載
俎

卒升賓長設羊俎于豆南賓降尸升筵自

西方坐左執爵右取韭菹換于三豆祭于豆閒尸取麴
蕡宰夫贊者取白黑以授尸尸受蕡祭于豆祭雍人授
次賓疏匕與俎受于鼎西左手執俎左廉縮之卻右手
執匕枋縮于俎上以東面受于羊鼎之西司馬在羊鼎
之東二手執挑匕枋以挹酒注于疏匕若是者三尸興
左執爵右取肺坐祭之祭酒興左執爵次賓縮執匕俎
以升若是以授尸尸卻手授匕枋坐祭齊之興覆手以

授賓賓亦覆手以授縮匕于俎上以降尸席末坐啐酒
興坐奠爵拜告旨執爵以興主人北面于東楹東答拜
司馬羞羊肉涪縮執俎尸坐奠爵興取肺坐絕祭齊之
興反加于俎司馬縮奠俎于羊涪俎南乃載于羊俎卒
載俎縮執俎以降尸坐執爵以興次賓羞羊燔縮執俎
縮一燔于俎上鹽在右尸左執爵受燔換于鹽坐振祭
齊之興加于羊俎賓縮執俎以爵尸降筵北面于西楹
西坐卒爵執爵以興坐奠爵拜執爵以興主人北面于

東楹東答拜主人受爵尸升筵立于筵末

右薦獻于尸

主

人酌獻侑侑西楹西北面拜受爵主人在其右北面答拜主婦薦韭菹醢坐奠于筵前醢在南方婦贊者執二籩麴蕢以授主婦主婦不興受之奠麴于醢南蕢在麴東主婦入于房侑升筵自北方司馬橫執羊俎以升設于豆東侑坐左執爵右取菹換于鹽祭于豆閒又取麴蕢同祭于豆祭興左執爵右取肺坐祭之祭酒興左執爵次賓羞羊燔如尸禮侑降筵自北方北面于西楹西

坐卒爵執爵以興坐奠爵拜主人答拜

右獻
備

尸受侑

爵降洗侑降立于西階西東面主人降自阼階辭洗尸

坐奠爵于篚興對卒洗主人升尸升自西階主人拜洗

尸北面于西楹西坐奠爵答拜降盥主人降尸辭主人

對卒盥主人升尸升坐取爵酌司宮設席于東序西面

主人東楹東北面拜受爵尸西楹西北面答拜主婦薦

韭菹醢坐奠于筵前菹在北方婦贊者執二籩麴蕡主

婦不興受設麴于菹西北蕡在麴西主人升筵自北方

主婦入于房長賓設羊俎于豆西主人坐左執爵祭豆
籩如侑之祭興左執爵右取肺坐祭之祭酒興次賓羞
匕湑如尸禮席末坐啐酒執爵以興司馬羞羊肉湑縮
執俎主人坐奠爵于左興受肺坐絕祭齊之興反加于
湑俎司馬縮奠湑俎于羊俎西乃載之卒載縮執虛俎
以降主人坐取爵以興次賓羞燔主人受如尸禮主人
降筵自北方北面于阼階上坐卒爵執爵以興坐奠爵
拜執爵以興尸西楹西答拜主人坐奠爵于東序南侑

升尸侑皆北面于西楹西主人北面于東楹東再拜崇

酒尸侑皆答再拜主人及尸侑皆升就筵

右尸酢主人

司

宮取爵于篚以授婦贊者于房東以授主婦主婦洗爵

於房中出實爵尊南西面拜獻尸尸拜于筵上受主婦

西面于主人之席北拜送爵入于房取一羊釧坐奠于

韭菹西主婦贊者執豕釧以從主婦不興受設于羊釧

之西興入于房取糗與胾脩執以出坐設之糗在黃西

脩在白西興立于主人席北面西尸坐左執爵祭糗脩

同祭于豆祭以羊釂之杞挹羊釂遂以挹豕釂祭于豆
祭祭酒次賓羞豕七音如羊七音之禮尸坐啐酒左執
爵嘗上釂執爵以興坐奠爵拜主婦答拜執爵以興司
士羞豕胥尸坐奠爵興受如羊肉音之禮坐取爵興次
賓羞豕燔尸左執爵受燔如羊燔之禮坐卒爵拜主婦
答拜受爵酌獻侑侑拜受爵主婦主人之北西面答拜
主婦羞糗脩坐奠糗于黽南脩在賁南侑坐左執爵取
糗脩兼祭于豆祭司士縮執豕胥以升侑興取肺坐祭

之司士縮奠豕胙于羊俎之東載于羊俎率乃縮執俎
以降侑興次賓羞豕燔侑受如尸禮坐率爵拜主婦答

拜

右主婦
亞獻

受爵酌以致于主人主人筵上拜受爵主

婦北面于阼階上答拜主婦設二鉶與糗脩如尸禮主
人共祭糗脩祭鉶祭酒受豕匕湑拜啐酒皆如尸禮嘗
鉶不拜其受豕胙受豕燔亦如尸禮坐率爵拜主婦北
面答拜受爵右主婦致
爵主人尸降筵受主婦爵以降主人
降侑降主婦入于房主人立于洗東北西面侑東面于

西階西南尸易爵于篚盥洗爵主人揖尸侑主人升尸
升自西階侑從主人北面立于東楹東侑西楹西北面
立尸酌主婦出于房西面拜受爵尸北面于侑東答拜
主婦入于房司宮設席于房中南面主婦立于席西婦
贊者薦韭菹醢坐奠于筵前菹在西方婦人贊者執麴
蕢以投婦贊者婦贊者不興受設麴于菹西蕢在麴南
主婦升筵司馬設羊俎于豆南主婦坐左執爵右取菹
換于醢祭于豆閒又取麴蕢蕢蕢祭于豆祭主婦奠爵興

取肺坐絕祭瘠之興加于俎坐扱手祭酒啐酒次賓羞

羊燔主婦興受燔如主人之禮主婦執爵以出于房西

面于主人席北立率爵執爵拜尸西楹西北面答拜主

婦入立于房尸主人及侑皆就筵

右尸酢
主婦

上賓洗爵

以升酌獻尸尸拜受爵賓西楹西北面拜送爵尸奠爵

于薦左賓降

右賓長
三獻

主人降洗爵尸侑降主人奠爵

于篚辭尸對率洗揖尸升侑不升主人實爵酬尸東楹

東北面坐奠爵拜尸西楹西北面答拜坐祭遂飲率爵

拜尸答拜降洗尸降辭主人奠爵于篚對卒洗主人升

尸升主人實爵尸拜受爵主人反位答拜尸北面坐奠

爵于薦左尸侑主人皆升筵乃羞宰夫羞房中之羞于

尸侑主人主婦皆右之司士羞庶羞于尸侑主人主婦

皆左之

右主人酬尸設羞

主人降南面拜衆賓于門東三拜

衆賓門東北面皆答壹拜主人洗爵長賓辭主人奠爵

于篚興對卒洗升酌獻賓于西階上長賓升拜受爵主

人在其右北面答拜宰夫自東房薦脯醢醢在西司士

設俎于豆北羊骼一腸一胃一切肺一膚一賓坐左執爵右取肺換于醢祭之執爵興取肺坐祭之祭酒遂飲卒爵執以興坐奠爵拜執爵以興主人答拜受爵賓坐取祭以降西面坐委于西階西南宰夫執爵以從設于祭東司士執俎以從設于薦東衆賓長升拜受爵主人答拜坐祭立飲卒爵不拜既爵宰夫贊主人酌若是以辯辯受爵其薦脯醢與胥設于其位其位繼上賓而南皆東面其胥體儀也乃升長賓主人酌酢于長賓西階

上北面賓在左主人坐奠爵拜執爵以興賓答拜坐祭

遂飲卒爵執爵以興坐奠爵拜賓答拜賓降

右主人獻賓并受酢

宰夫洗觶以升主人受酌降酬長賓于西階南北面

賓在左主人坐奠爵拜賓答拜坐祭遂飲卒爵拜賓答

拜主人洗賓辭主人坐奠爵于篚對宰洗升酌降復位

賓拜受爵主人拜送爵賓西面坐奠爵于薦左

右主人酬長賓

主人洗升酌獻兄弟于阼階上兄弟之長升拜受爵

主人在其右答拜坐祭立飲不拜既爵皆若是以辯辯

受爵其位在洗東西面北上升受爵其薦胥設于其位
先生之胥折脅一膚一其衆儀也主人洗獻內賓于房
中南面拜受爵主人南面于其右答拜坐祭立飲不拜
既爵若是以辯亦有薦胥主人降洗升獻私人于阼階
上拜于下升受主人答其長拜乃降坐祭立飲不拜既
爵若是以辯宰夫贊主人酌主人於其羣私人不答拜
其位繼兄弟之南亦北上亦有薦胥主人就筵右主人
獻兄弟

內賓
私人

尸作三獻之爵司士羞音魚縮執俎以升尸取

膾祭祭之祭酒率爵司士縮奠俎于羊俎南橫載于羊
俎率乃縮執俎以降尸奠爵拜三獻北面答拜受爵酌
獻侑侑拜受三獻北面答拜司馬羞湑魚一如尸禮率
爵三獻答拜受爵酌致主人主人拜受爵三獻東楹東
北面答拜司士羞一湑魚如尸禮率爵拜三獻答拜受
爵尸降筵受三獻酌以酢之三獻西楹西北面拜受爵
尸在其右以授之尸升筵南面答拜坐祭遂飲率爵拜
尸答拜執爵以降實于筐

右舉三獻之爵實
長獻侑致主人

二人洗

解升實爵西楹西北面東上坐奠爵拜執爵以興尸侑
答拜坐祭遂飲卒爵執爵以興坐奠爵拜尸侑答拜皆
降洗升酌反位尸侑皆拜受爵舉解者皆拜送侑奠解
于右尸遂執解以興北面于阼階上酬主人主人在右
坐奠爵拜主人答拜不祭立飲卒爵不拜既爵酌就于
阼階上酬主人主人拜受爵尸拜送尸就筵主人以酬
侑于西楹西侑在左坐奠爵拜執爵興侑答拜不祭立
飲卒爵不拜既爵酌復位侑拜受主人拜送主人復筵

乃升長賓侑酬之如主人之禮至于衆賓遂及兄弟亦
如之皆飲于上遂及私人拜受者升受下飲卒爵升酌
以之其位相酬辯卒飲者實爵于篚乃羞庶羞于賓兄
弟內賓及私人

右旅
酬

兄弟之後生者舉觶于其長洗

升酌降北面立于阼階南長在左坐奠爵拜執爵以興
長答拜坐祭遂飲卒爵執爵以興坐奠爵拜執爵以興
長答拜洗升酌降長拜受于其位舉爵者東面答拜爵
止

右後生舉
觶于長

賓長獻于尸如初無啣爵不止賓一人

舉爵于尸如初亦遂之於下賓及兄弟交錯其酬皆遂

及私人爵無算

右賓獻尸入交酬無算爵

尸出侑從主人送于廟門

之外拜尸不顧拜侑與長賓亦如之衆賓從司士歸尸

侑之俎主人退有司徹

右尸出

○若不賓尸則祝侑亦

如之尸食乃盛俎臠臂肫脰脊橫脊短脅代脅皆牢魚

七腊辯無髀卒盛乃舉牢肩尸受振祭濟之佐食受加

于斝佐食取一俎于堂下以入奠于羊俎東乃撫于魚

腊俎俎釋三个其餘皆取之實于一俎以出祝主人之

魚腊取于是尸不飯告飽主人拜侑不言尸又三飯佐

食受牢舉如儻主人洗酌醕尸賓羞肝皆如儻禮率爵

主人拜祝受尸爵尸答拜祝酌投尸尸以醋主人亦如

儻其綏祭其嘏亦如儻其獻祝與二佐食其位其薦胥

皆如儻

右下大夫不賓尸
主人獻尸祝佐食

主婦其洗獻于尸亦如儻

主婦反取籩于房中執棗糗坐設之棗在稷南糗在棗

南婦贊者執栗脯主婦不興受設之栗在糗東脯在棗

東主婦興反位尸左執爵取棗糗祝取栗脯以授尸尸

兼祭于豆祭祭酒啐酒次賓羞牢燔用俎鹽在右尸兼
取燔換于鹽振祭齊之祝受加于胙卒爵主婦拜祝受
尸爵尸答拜祝易爵洗酌授尸尸以醋主婦主婦主人
之北拜受爵尸答拜主婦反位又拜上佐食綏祭如賓
卒爵拜尸答拜主婦獻祝其酌如賓拜坐受爵主婦主
人之北答拜宰夫薦棗糗坐設棗于道西糗在棗南祝
左執爵取棗糗祭于豆祭祭酒啐酒次賓羞燔如尸禮
卒爵主人受爵酌獻二佐食亦如賓主婦受爵以入于

房

右主婦亞獻尸祝佐食

賓長洗爵獻于尸尸拜受賓尸西北

面答拜爵止主婦洗于房中酌致于主人主人拜受主

婦尸西北面拜送爵司宮設席主婦薦韭菹醢坐設于

席前菹在北方婦贊者執棗糗以從主婦不興受設東

于菹北糗在東西佐食設俎臂脊脅肺皆牢膚三魚一

腊臂主人左執爵右取菹換于醢祭于豆閒遂祭籩奠

爵興取牢肺坐絕祭齊之興加于俎坐扱手祭酒執爵

以興坐率爵拜主婦答拜受爵酌以醋戶內北面拜主

人答拜卒爵拜主人答拜主婦以爵入于房尸作止爵
祭酒卒爵賓拜祝受爵尸答拜祝酌授尸賓拜受爵尸
拜送坐祭遂飲卒爵拜尸答拜獻祝及二佐食洗致爵
于主人主人席上拜受爵賓北面答拜坐祭遂飲卒爵
拜賓答拜受爵酌致爵于主婦主婦北堂司宮設席東
面主婦席北東面拜受爵賓西面答拜婦贊者薦韭菹
醢菹在南方婦人贊者執棗糗授婦贊者婦贊者不興
受設棗于菹南糗在棗東佐食設菹于豆東羊臠豕折

羊脊脅祭肺一膚一魚一腊臠主婦升筵坐左執爵右
取道換于醢祭之祭籩奠爵興取肺坐絕祭齊之興加
于俎坐扱手祭酒執爵興筵北東面立卒爵拜賓答拜
賓受爵易爵于篚洗酌醋於主人戶西北面拜主人答
拜卒爵拜主人答拜賓以爵降奠于篚乃羞宰夫羞房
中之羞司士羞庶羞于尸祝主人主婦內羞在右庶羞
在左

右賓長三獻尸祝
佐食并致爵之事

主人降拜衆賓洗獻衆賓其

薦胥其位其酬醋皆如賓禮主人洗獻兄弟與內賓與

私人皆如饋禮其位其薦胥皆如饋禮卒乃羞于賓兄

弟內賓及私人辯

右主人獻衆賓兄弟內賓私人

賓長獻于尸尸醋

獻祝致醋賓以爵降實于筮

右次賓長獻尸祝

賓兄弟交錯

其酬無算爵

右無算爵

利洗爵獻于尸尸醋獻祝祝受祭酒

啐酒奠之

右佐食獻尸祝

主人出立于阼階上西面祝出立

于西階上東面祝告于主人曰利成祝入主人降立于阼

階東西面尸謾祝前尸從遂出于廟門祝反復位于室

中祝命佐食徹尸俎佐食乃出尸俎于廟門外有司受

歸之徹作薦俎

右尸出

乃暮如宿卒暮有司官徹饋饌

于室中西北隅南面如饋之設右几非用席納一尊于室中司宮埽祭主人出立于阼階上西面祝執其俎以出立于西階上東面司宮闔牖戶祝告利成乃執俎以出于廟門外有司受歸之衆賓及主人拜送于廟門外乃反婦人乃徹徹室中之饌

右陽厭

禮通論

禮記夏后氏尚黑大事斂用昏戎事乘驪牲用玄殷人

尚白大事斂用日中戎事乘翰牲用白周人尚赤大事

斂用日出戎事乘駟牲用騂

○檀弓

禮器是故大備大

備盛德也禮釋回增美質措則正施則行其在人也如

竹箭之有筠也如松柏之有心也二者居天下之大端

矣故貫四時而不改柯易葉故君子有禮則外諧而內

無怨故物無不懷仁鬼神饗德先王之立禮也有本有

文忠信禮之本也義理禮之文也無本不立無文不行

禮也者合于天時設於地財順於鬼神合於人心理萬

物者也是故天時有生也地理有宜也人官有能也物
曲有利也故天不生地不養君子不以為禮鬼神弗饗
也居山以魚鼈為禮居澤以鹿豕為禮君子謂之不知
禮故必舉其定國之數以為禮之大經禮之大倫以地
廣狹禮之薄厚與年之上下是故年雖大殺衆不匡懼
則上之制禮也節矣禮時為大順次之體次之宜次之
稱次之堯授舜舜授禹湯放桀武王代紂時也詩云匪
革其猶聿追來孝天地之祭宗廟之事父子之道君臣

之義倫也社稷山川之事鬼神之祭體也喪祭之用賓客之交義也羔豚而祭百官皆足大牢而祭不必有餘此之謂稱也諸侯以龜為寶以圭為瑞家不寶龜不藏圭不臺門言有稱也禮有以多為貴者天子七廟諸侯五大夫三士一天子之豆二十有六諸公十有六諸侯十有二上大夫八下大夫六諸侯七介七牢大夫五介五牢天子之席五重諸侯之席三重大夫再重天子崩七月而葬五重八翼諸侯五月而葬三重六翼大夫三

月而葬再重四窆此以多為貴也有以少為貴者天子無介祭天特牲天子適諸侯諸侯膳以犢諸侯相朝灌用鬱鬯無籩豆之薦大夫聘禮以脯醢天子一食諸侯再大夫士三食力無數大路繁纓一就次路繁纓七就圭璋特琥璜爵鬼神之祭单席諸侯視朝大夫特士旅之此以少為貴也有以大為貴者宮室之量器皿之度棺槨之厚丘封之大此以大為貴也有以小為貴者宗廟之祭貴者獻以爵賤者獻以散尊者舉解甲者舉角

五獻之尊門外缶門內壺君尊瓦甒此以小為貴也有以高為貴者天子之堂九尺諸侯七尺大夫五尺士三尺天子諸侯臺門此以高為貴也有以下為貴者至敬不壇埽地而祭天子諸侯之尊廢禁大夫士椽禁此以下為貴也禮有以文為貴者天子龍袞諸侯黼大夫黻士玄衣纁裳天子之冕朱綠藻十有二旒諸侯九上大夫七下大夫五士二此以文為貴也有以素為貴者至敬無文父黨無容大圭不琢大羹不和大路素而越席

犧尊疏布鬻禪杓此以素為貴也孔子曰禮不可不省也禮不同不豐不殺蓋言稱也禮之以多為貴者以其外心者也德發揚詡萬物大物理博如此則得不以多為貴乎故君子樂其發也禮之以少為貴者以其內心也德產之致也精微觀天下之物無可以稱其德者如此則得不以少為貴乎是故君子慎其獨也古之聖人內之為尊外之為樂少之為貴多之為美是故先王之制禮也不可多也不可寡也唯其稱也是故君子大牢

而祭謂之禮匹夫大牢而祭謂之攘管仲鏤簋朱紘山
節藻稅君子以為濫矣晏平仲祀其先人豚肩不揜豆
澣衣濯冠以朝君子以為隘矣是故君子之行禮也不
可不慎也衆之紀也紀散而衆亂孔子曰我戰則克祭
則受福蓋得其道矣 禮也者猶體也體不備君子謂
之不成人設之不當猶不備也禮有大有小有顯有微
大者不可損小者不可益顯者不可揜微者不可大也
故經禮三百曲禮三千其致一也未有入室而不由戶

者君子之於禮也有所竭情盡慎致其敬而誠若有美而文而誠若君子之於禮也有直而行也有曲而殺也有經而等也有順而討也有漸而播也有推而進也有故而文也有故而致也有順而撫也三代之禮一也民共由之或素或青夏造殷因周坐尸詔侑武方其禮亦然其道一也夏立尸而卒祭殷坐尸周族酬六尸魯子曰周禮其猶醵與君子曰禮之近人情者非其至者也郊血大饗腥三獻燭一獻孰是故君子之於禮也

非作而致其情也此有由始也是故七介以相見也不
然則已懋三辭三讓而至不然則已感故魯人將有事
於上帝必先有事於類宮晉人將有事於河必先有事
於惡池齊人將有事於泰山必先有事於配林三月繫
七日戒三日宿慎之至也故禮有擯詔樂有相步温之
至也 禮也者反本脩古不忘其初者也故凶事不詔
朝事以樂醴酒之用玄酒之尚割刀之用鸞刀之貴莞
簞之安而橐鞬之設是故先王之制禮也必有主也故

可述而多學也君子曰無節於內者觀物弗之察矣欲
察物而不由禮弗之得矣故作事不以禮弗之敬矣出
言不以禮弗之信矣故曰禮也者物之致也是故昔先
王之制禮也因其財物而致其義焉爾故作大事必順
天時為朝夕必放於日月為高必因丘陵為下必因川
澤是故天時雨澤君子達疊疊焉是故昔先王尚有德
尊有道任有能舉賢而置之聚眾而誓之是故因天事
天因地事地因名山升中于天因吉土以饗帝於郊升

中于天而鳳皇降龜龍假饗帝于郊而風雨節寒暑時
是故聖人南面而立而天下大治 禮也者反其所自
生樂也者樂其所自成是故先王之制禮也以節事脩
樂以道志故觀其禮樂而治亂可知也蘧伯玉曰君子
之人達故觀其器而知其工之巧觀其發而知其人之
知故曰君子慎其所以與人者 一獻質三獻文五獻
察七獻神大饗其王事與三牲魚腊四海九州之美味
也籩豆之薦四時之和氣也內金示和也東帛加璧尊

德也龜為前列先知也金次之見情也丹漆絲纊竹箭
與衆共財也其餘無常貨各以其國之所有則致遠物
也其出也肆夏而送之蓋重禮也祀帝於郊敬之至也
宗廟之祭仁之至也喪禮忠之至也備服器仁之至也
賓客之用幣義之至也故君子欲觀仁義之道禮其本
也君子曰甘受和白受采忠信之人可以學禮苟無忠
信之人則禮不虛道是以得其人之為貴也
○禮器郊
特牲而社稷大牢天子適諸侯諸侯膳用犢諸侯適天

子天子賜之禮大牢貴誠之義也故天子牲孕弗食也
祭帝弗用也大路繁纓一就先路三就次路五就郊血
大饗腥三獻爛一獻孰至敬不饗味而貴氣臭也諸侯
為賓灌用鬱鬯灌用臭也大饗尚殿脩而已矣大饗君
三重席而酢焉三獻之介君專席而酢焉此降尊以就
卑也 賓入大門而奏肆夏示易以敬也卒爵而樂闋
孔子屢歎之莫酬而工升歌發德也歌者在上匏竹在
下貴人聲也樂由陽來者也禮由陰作者也陰陽和而

萬物得旅幣無方所以別土地之宜而接遠邇之期也
龜為前列先知也以鍾次之以和居參之也虎豹之皮
示服猛也束帛加璧徃德也 庭燎之百由齊桓公始
也大夫之奏肆夏也由趙文子始也朝覲大夫之私覲
非禮也大夫執圭而使所以申信也不敢私覲所以致
敬也而庭實私覲何為乎諸侯之庭為人臣者無外交
不敢貳君也大夫而饗君非禮也大夫強而君殺之義
也由三桓始也天子無客禮莫敢為主焉君適其臣升

自阼階不敢有其室也覲禮天子不下堂而見諸侯下堂而見諸侯天子之失禮也由夷王以下諸侯之宮縣而祭以白牡擊玉磬朱干設錫冕而舞大武乘大路諸侯之僭禮也臺門而旅樹反坫繡黼丹朱中衣大夫之僭禮也故天子微諸侯僭大夫強諸侯脅於此相貴以等相覲以貨相賂以利而天下之禮亂矣諸侯不敢祖天子大夫不敢祖諸侯而公廟之設於私家非禮也由三桓始也禮之所尊尊其義也失其義陳其數祝史

之事也故其數可陳也其義難知也知其義而敬守之

天子之所以治天下也

○郊
特牲

聖人南面而聽天下所

且先者五民不與焉一曰治親二曰報功三曰舉賢四

曰使能五曰存愛五者一得於天下民無不足無不贍
者五者一物紕繆民莫得其死聖人南面而治天下必

自人道始矣立權度量考文章改正朔易服色殊徽號
異器械別衣服此其所得與民變革者也其不可得變
革者則有矣親親也尊尊也長長也男女有別此其不

可得與民變革者也

○大傳

先王之所以治天下者五

貴有德貴貴貴老敬長慈幼此五者先王之所以定天下也貴有德何為也為其近於道也貴貴為其近於君也貴老為其近於親也敬長為其近於兄也慈幼為其近於子也是故至孝近乎王至弟近乎霸至孝近乎王雖天子必有父至弟近乎霸雖諸侯必有兄先王之教因而弗改所以領天下國家也

○祭義

天子者與天地

相參故德配天地兼利萬物與日月並明明照四海而

不遺微小其在朝廷則道仁聖禮義之序燕處則聽雅
頌之音行步則有環珮之聲升車則有鸞和之音居處
有禮進退有度百官得其宜萬事得其序詩云淑人君
子其儀不忒其儀不忒正是四國此之謂也發號出令
而民說謂之和上下相親謂之仁民不求其所欲而得
之謂之信除去天地之害謂之義義與信和與仁霸王
之器也有治民之意而無其器則不成禮之於正國也
猶衡之於輕重也繩墨之於曲直也規矩之於方圓也

故衡誠縣不可欺以輕重繩墨誠陳不可欺以曲直規
矩誠設不可欺以方圓君子審禮不可誣以奸詐是故
隆禮由禮謂之有方之士不隆禮不由禮謂之無方之
民敬讓之道也故以奉宗廟則敬以入朝廷則貴賤有
位以處家室則父子親兄弟和以處鄉里則長幼有序
孔子曰安上治民莫善于禮此之謂也故朝覲之禮所
以明君臣之義也聘問之禮所以使諸侯相尊敬也喪
祭之禮所以明臣子之恩也鄉飲酒之禮所以明長幼

之序也昏姻之禮所以明男女之別也夫禮禁亂之所
由生猶坊止水之所自來也故以舊坊為無所用而壞
之者必有水敗以舊禮為無所用而去之者必有亂患
故昏姻之禮廢則夫婦之道苦而淫辟之罪多矣鄉飲
酒之禮廢則長幼之序失而爭鬪之獄繁矣喪祭之禮
廢則臣子之恩薄而倍死忘生者衆矣聘覲之禮廢則
君臣之位失諸侯之行惡而倍畔侵陵之敗起矣故禮
之教化也微其止邪也於未形使人日徙善遠罪而不

自知也是以先王隆之也易曰君子慎始差若毫釐繆

以千里此之謂也

○經解

大戴禮記盛德聖王之盛德人民不疾六畜不疫五穀不

災諸侯無兵而正小民無刑而治蠻夷懷服古者天子
常以季冬考德以觀治亂得失凡德盛者治也德不盛
者亂也德盛者得之也德不盛者失之也是故君子考
德而天下之治亂得失可坐廟堂之上而知也德盛則
脩法德不盛則飾政法正而德不衰故曰王也凡人民

疾六畜疫五穀災者生於天天道不順生於明堂不飾
故有天災則飾明堂也凡民之為奸邪竊盜歷法妄行
者生於不足不足生於無度量也無度量則小者偷墮
大者侈靡而不知足故有度量則民足民足則無為奸
邪竊盜歷法妄行者故有奸邪竊盜歷法妄行之獄則
飾度量也凡不孝生於不仁愛也不仁愛生於喪祭之
禮不明喪祭之禮所以教仁愛也致愛故能致喪祭春
秋祭祀不絕致思慕之心也夫祭祀致饋養之道也死

且思慕饋養況於生而存乎故曰喪祭之禮明則民孝矣是故有不孝之獄則飾喪祭之禮凡弑上生於義不明義者所以等貴賤明尊卑也貴賤有序民尊上敬長矣民尊上敬長而弑之者寡也朝聘之禮所以明義也故有弑上之獄則飾朝聘之禮也凡鬪辨生於相侵陵也相侵陵生於長幼無序鄉飲酒禮者所以序長幼而教以敬讓也故有鬪辨之獄則飾鄉飲酒之禮也凡淫亂生於男女無別夫婦無義昏禮者所以別男女明夫

婦之義也故有淫亂之獄則飾昏禮也故曰刑罰之所
從生有源不務塞其源而務刑殺之是為民設陷以賊
之也刑罰之源生於嗜欲好惡不節故明堂天法也禮
度德法也所以御民之嗜欲好惡以慎天法以成德法
也刑法者所以威不行德法者也故季冬聽獄論刑者
所以正法也法正論吏而公行之是故古者天子孟春
論吏德行能理功能德法者為有德能行德法者為有
行能理德法者為有能成德法者為有功故論吏而

法行事治而功成季冬正法孟春論吏治國之要也德
法者御民之銜也吏者轡也刑者筴也天子御者內史
大史左右手也古者以法為銜勒以官為轡以刑為筴
以人為手故御天下數百年而不懈墮善御馬者正銜
勒齊轡筴均馬力和馬心故口無聲于不搖筴不用而
馬為行也善御民者正其德法飾其官而均民力和民
心故聽言不出於口刑不用而民治是以民德美之夫
民善其德必稱其人故今之人稱五帝三王依然若存

者其法誠德其德誠厚也夫民思其德必稱其人朝夕
祝之升聞於皇天上帝歆焉故永其世而豐其年不能
御民者棄其德法譬猶御馬棄轡勒而專以笞御馬馬
必傷車必敗無德法而專以刑罰御民民必走國必亡
無德法民心無所法循迷惑失道上必以為亂無道苟
以為亂無道刑罰必不克成其無道上下俱無道故今
之稱惡者必比之於夏桀殷紂何也曰法誠不德其德
誠薄夫民惡之必朝夕祝之升聞於皇天上帝不歆故

水旱並興災害生焉故曰德法御民之本也古之御政以治天下者冢宰之官以成道司徒之官以成德宗伯之官以成仁司馬之官以成聖司寇之官以成義司空之官以成禮故六官亦六轡也天子三公合以執六官均五政齊五法以御四者故亦惟其所引而之以之道則國治以之德則國安以之仁則國和以之聖則國平以之義則國成以之禮則國定此御政之體也過失也人情莫不有過過而改之是不過也是故官屬不理分

職不明法政不一百事失紀曰亂也亂則飭冢宰地宜
不殖財物不蕃萬民饑寒教訓失道風俗淫僻百姓流
亡人民散敗曰危也危則飭司徒父子不親長幼無序
君臣上下相乖曰不和不和則飭宗伯賢能失官爵功
勞失賞祿士卒疾怨兵弱不用曰不平不平則飭司馬
刑罰不中暴亂奸邪不勝曰不成不成則飭司寇百度
不審立事失理財物失量曰貧貧則飭司空故曰御者
同是車馬或以取千里或數百里者所進退緩急異也

治者同是法或以治或以亂者亦所進退緩急異也

釋史卷二十四之五